

開縣志

物產

風俗附

蜀沃饒甲天下亭毒媪孳所在鋪棊初非葩經爾雅所能盡開於陸海百之一耳志物產志其異於他州者其諸草木穀畜數見不鮮余所不欲夸示者矣作物產志第十五

靈壽木 華陽國志胸脰有靈壽木

靈龜 華陽國志胸脰有靈龜咸熙元年獻靈龜

於相府

開縣志

卷十五

物產

一

連理木 華陽國志宕渠出九穗之禾胸脰有連

理之木

白虎 華陽國志秦昭王時白虎為患令胸忍廖

仲藥等射殺之

紵 唐志開州貢白紵

紵絹 九域志雲安軍貢府志雲安開州俱出絲

紵絹

布 唐志開州貢布

鹽 華陽國志胸忍有鹽井漢志巫山胸忍有鹽

官唐志奉節雲安大昌南浦萬歲皆有鹽官寰宇
記開州產鹽宣漢有鹽場又胸忍縣鹽井有鹽方
寸中央隆起如張傘盖名曰傘子鹽

蜜蠟 寰宇記開州產蠟唐志開州貢蜜蠟

茶 舊志開縣茶嶺產茶味絕佳不生襍卉

柑 唐志夔州開州貢柑寰宇記開州產柑子

橘 漢書魚復胸忍有橘官

椒 府志開縣出

綿 唐志通川郡貢綿

開縣志

卷十五

物產

二

木棉 省志萬縣開縣產

吐綬鳥 一名吐綬鷄寰宇記夔州產大如翟而
五色可愛天和淑景卽吐綬長一尺許須臾還吞
之酉陽襍俎魚復有鳥大如雉鵠羽色多黑襍以
黃白頭頰似雉有時吐物長數寸丹彩彪炳色類
綬因名吐綬鳥又食必蓄矚臆前大如斗慮觸其
矚行每遠草木故一名避株鳥 按此鳥產縣境
馬家營山中多者什伯爲羣性最蠢每食山梁人
以鳥鎗戕之傷者墜地羣驚視不肯飛聞人足聲

乃起故居人多取以供饌味與雉同

山鷄 唐志夔州貢山雞今縣境出

芣苢實車前子 唐志開州貢芣苢實寰宇記開州貢車前子本草出開州勝春初生苗葉布地如匙面長及尺餘中抽數莖作長穗如鼠尾花甚細密結實如葶藶人家園圃或種之唐張籍答開州韋使君寄車前子詩開州午日車前子作藥人皆道有神慙愧使君憐病眼三千餘里寄閒人

嘉魚 明統志開縣石門山有石穴名盤龍洞洞

開縣志

卷十五

物產

三

有水出嘉魚俗名陽魚

熊 唐志夔州貢熊羆鹿皮府志開州出

羆

鹿

麂

桄榔樹 述異記西蜀石門山有樹名曰桄榔皮裡出屑如麵用作餅食之與麵相似因謂之桄榔

麵焉

黃連 邑東里出以下新增

厚樸 邑東里出

鐵 邑江里三岔灣四道河東里鐵爐溝向陽溝
茶葉灣蒲家壩浦里鳳台寺等處皆產

漆 邑境皆產

甘蔗 邑境皆產

桐油 邑境皆產

緋 邑浦里出

榕 俗名黃葛樹有大至數圍者

檜 俗名刺柏樹人家前後多樹之

開縣志

卷十五

物產

四

械 俗名栗椽子樹又名青岡樹卽詩芄芃械樸
是也作薪良

風俗

俗重田神地無醫藥 省府志

寰宇記開州風俗皆重田神春則刻木虔祈冬則
用牲報賽邪巫擊鼓以爲浮祀男女皆唱竹枝歌
元學記士以積文相尚有温造柳公綽之餘烈
信記不事工商惟務農業樸實不華誠篤有義
舊志盛山臨江鄉力農桑慕文學冠裳頗盛新浦

鄉務農勤織不事遊惰惟頗健訟漢高鄉民俗淳
樸猶存古風

開縣志

卷十五

物產

五